

Izjava ambasadora Upravnog odbora Vijeća za provedbu mira

Okupljajući se na svom redovnom sastanku, ambasadori zemalja članica Upravnog odbora Vijeća za provedbu mira još su jednom razmatrali situaciju u Federaciji BiH i izrazili svoje nezadovoljstvo što ključne institucije Federacije nisu poduzele neophodne aktivnosti kako bi bila popunjena upražnjena mjesta u Ustavnom sudu Federacije BiH i Vijeću za zaštitu vitalnog nacionalnog interesa što bi osiguralo njihovo propisno funkcioniranje.

Podsjećamo da je Upravni odbor Vijeća za provedbu mira u svom Komuniqueu od 30. novembra 2012. godine naveo da *„konstruktivan pristup svih stranaka ima suštinski značaj. Kako bi se osigurala sposobnost Ustavnog suda Federacije BiH da u tom pogledu ispuni svoju ustavnu ulogu, Upravni odbor Vijeća za provedbu mira apelirao je na sve nadležne organe vlasti da bez dodatnih odlaganja popune upražnjena mjesta na Sudu.“*

I dalje ostaje obaveza nadležnih domaćih institucija da hitno popune upražnjena mjesta u Ustavnom sudu i Vijeću za zaštitu vitalnog nacionalnog interesa Federacije BiH, kako bi osigurali propisno funkcioniranje ovih institucija. Vrijeme je od suštinskog značaja. Vlasti moraju prestati očekivati od međunarodne zajednice da radi njihov posao i umjesto toga trebaju objasniti kako namjeravaju pokrenuti ovaj proces i konačno imenovati sudije na upražnjena mjesta.

Ambasadori Upravnog odbora pozdravili su namjeru visokog predstavnika da sazove sastanak predsjednika i dva potpredsjednika Federacije BiH sa Kolegijem Doma naroda Federacije BiH i od njih direktno dobije informaciju o načinu na koji namjeravaju riješiti ovo pitanje. Ambasadori Upravnog

odbora izrazili su svoja očekivanja da će svi zvaničnici konstruktivno sudjelovati na ovom sastanku, a da će političke stranke iz kojih dolaze u međuvremenu međusobno razgovarati i identificirati rješenja koja će omogućiti imenovanje sudija na upražnjene pozicije u Sudu.

S obzirom na širu političku situaciju u Federaciji BiH, Upravni odbor Vijeća za provedbu mira (PIC) je konstatirao da niti jedna grupa stranaka u Federaciji BiH nije bez krivnje za trenutnu situaciju te upozorio sve uključene strane da se moraju suzdržati od poduzimanja bilo kakvih daljnjih koraka koji bi mogli destabilizirati situaciju. Takve radnje su potpuno neprihvatljive.

Sve dok se ne nađe rješenje za zastoje, i Vlada i Parlament moraju poštivati svoje odgovarajuće ustavne uloge. Stranke moraju raditi zajedno da osiguraju funkcionalnost obje institucije na način koji je nedvojbeno u skladu s vladavinom prava, čak i ako to znači da i mnogo dalekosežnije inicijative ne mogu biti odmah poduzete. Osiguravanje funkcioniranja institucija nije pitanje izbora, to je obaveza. Vrijeme je da uključene političke stranke na prvo mjesto stave interes Federacije i njenih građana. To znači i da odgovorno postupe i usvoje zakonske propise o privilegiranim penzijama, usklađene sa MMF-om, kako bi vlasti dobile tako potrebna finansijska sredstva od strane međunarodnih institucija.